

# Macaafa Qulqulluu Daa'immaniif Dhihaate

Waaqayyo  
jaalala  
Abrahaam  
qore



Kan barreeffame: Edward Hughes  
Kan ibsame: Byron Unger; Lazarus  
Alastair P.

Kan dagaagsame: M. Maillot; Tammy S.

Kan hiikkame: Zemendale Translation Service

email: zemendale@gmail.com

Po Box 32155, Addis Ababa, Ethiopia

Kan qophaa'e: Bible for Children

[www.M1914.org](http://www.M1914.org)

BFC

PO Box 3


Winnipeg, MB R3C 2G1

Canada

©2020 Bible for Children, Inc.

Eeyyama: Seenaa kana hamma hin gugurreetti garagalfacuu ta'ee  
Maxxansiifacuu ni dandeessu.





Galgala tokko  
Waaqayyo  
abboommii hin  
amaleeffatamne  
Abrhaamiif  
kenne.





Sun akka  
Abrahaam mucaa  
isaa Waaqayyoon  
caalchisee jaallatu  
baruuf qorumsa  
kenname ture.



"Ilma kee Yisihaaqiin fuudhii,  
aarsaa qalma godhii naaf  
dhi'eessi" jedhee abboome  
Waaqayyo. Yisihaaqiin  
aarsaa taasisii? Ilma  
isaa aarsaa taasisuu?  
Sun Abrahaamiif  
ulfaataa ture. Inni  
ilma isaa baay'ee  
jaallata  
ture.



Abrahaam garuu yeroo hin hubanne  
illee taanaan Waaqayyoof  
abboomamuu bareera.


Ganamaan ka'ee Yisihaaqii fi  
hojjetoota isaa keessaa lama

fudhatee

gara gaara  
aarsee deeme.



Utuu hin deemiin,  
qoraan aarsaaf ta'u  
qopheeffate.  
Abrahaam  
Waaqayyoof  
abboomamuu  
karoorfate.



Guyyaa sadii booda  
gaarichatti dhi'aatan.

Abrahaam, "As turaa" jedhee  
hojjetoota isaatti hime.

"Deemnee waqeffannee  
deebinaa."



Yisihaaq qoraan  
baate; Abrahaam  
immoo ibiddaa fi  
billaa baata  
ture.





Yisihaaq, "Hoolaan  
aarsaaf ta'u meerre?"  
jedhee gaafate. Abrahaam,  
"Waaqayyo ofii isaatii hoolaa  
aarsaa ni qopheessa ilma  
koo" jedhee  
deebiseef.




Lachuun isaanii bakka  
Waaqayyo filate dhufan.  
Achitti, Abrahaam iddoo  
aarsaa ijaaree, fuula  
Waaqayyoo duratti  
aarsaa dhi'eessuuf  
qoraan toora galche.




Abrahaam  
iddoowwan aarsaa  
hedduu ijaare.  
Inni kun garuu  
ijaaruuf dhuguma  
ni ulfaata.





Abrahaam  
Yisihaaqiin  
hidhee, ilma  
isaa isa jaallatu  
iddoo aarsaa irra  
ciibse. Abrahaam  
dhuguma Waaqayyoof  
abboomamee  
Yisihaaqiin—tokkicha  
ilam isaa isa jaallatu  
aarsaa ni taasisaa?






Eyyee! Abrahaam  
billa isaa yeroo ol  
kaase qarri isaa ni  
calaqqise. Garaan  
isaa miidhameera;  
garuu Abrahaam  
Waaqayyoof  
abboomamuu akka  
qabu ni beeka ture.



"Dhiisi!"  
jedhee  
itti iyye  
Ergamaan  
**GOOFTICHAA.**






"Amma  
akka ati  
Waaqayyoon  
sodaattu  
beekeera.  
Ilma kee isa  
tokkicha iyyuu  
ati anaaf hin  
mararsiifanne."




Korneessa hoolaa  
bosona keessatti argee,  
Abrahaam Yisihaaqiin  
hiikee qooda isaa  
korbeessicha qalee  
aarsaa taasise.






Yisihaaq tarii,  
"Akkuma abbaan koo  
jedhe, Waaqayyo  
qopheesseera" jedhee  
yaade ta'a.




Abbaa fi ilmi yeroo waqeffatan, Ergamaan  
GOOFTICHAA Abrahaamitti dubbate. "Ijoollee  
kee keessaa, sabni hundinuu ni eebbifamu, sababni  
isaa ati anaaf abboomanteetta."  
Guyyaa tokko, Yesuus hidda  
Abrahaam keessaa dhalate.



Abrahaamii fi Yisihaaq gara manaatti deebi'an.  
Yeroo murtaa'e booda, wanta nama gaddisiisutu  
ta'e. Sahaaraan ni duute. Abrahaam haadha  
manaa isaa dhabe, Yisihaaq immoo  
haadha isaa dhabe.



Awwaala booda,  
Abrahaam ilma isaa  
Yisihaaqiif haadha manaa  
akka barbaaduuf hojjetaa isaa  
isa aanga'aa erge.



Hojjetaan isaas gara  
mandara Abrahaam  
durii deemee firoota  
Abrahaam keessaa haadha  
manaa barbaade.



Hojjetaan sun Waaqayyoon mallattoo gaafate.  
"Mucaan durbaa isheen gaalota koo bishaan naaf  
obaastu Yisihaaqiif haadha manaa haa taatu."



Battalumatti Ribqaan bishaan kenniteef. Isheen firoota Abrahaam keessaa tokko turte. Hojjetichi akka Waaqayyo kadhannaa isaa isaaf deebise ni beeke.



Ribqaan Yisihaaqitti heerumuuf warra ishee  
dhiistee deemte. Isheen du'a haadha isaa booda  
isa jajjabeessite.






Waaqayyo jaalala Abrahaam qore  
Seenaa Sagalee Waaqayoo Macaafa Qulqulluu  
kan keessatti argamu  
Seera Uumamaa 22-24

"Saaqamuun dubbii keetii ifa in kenna."  
Faarsaa 119:130





Xumurameera



5



60



Seenaan Macaafa Qulqulluu kun kan haasa'u waa'ee Waaqayyo keenya  
Isa dinqii Isa nu uumeefi Isa akka Isa beeknu barbaaduuti.

Waaqayyo wanta hamaa isa Inni cubbuu jedhuun akka raaw'anne ni  
beeka. Adabbiin cubbuu du'a. Waaqayyo garuu guddaa si jaallata,  
kanaaf cubbuu keetiif akka fannoorratti du'uufi akka adabamuuf  
Tokkicha Ilma Isaa Yesuus dabarsee siif ni kenne. Sana booda Yesuus  
gara jireenyaatti deebi'ee gara iddoo jireenya Isaa gara Waaqaa ni  
deeme! Yesuusitti amantee cubbuu keetiif akka siif dhiisuuf yoo Isa  
gaafatte, Inni siif ni dhiisa! Yeroo kana dhufee si wajjin ni jiraata,  
akkasumas immoo atis Isaa wajjin bara baraaf ni jiraatta.

Inni kun dhugaa ta'uu isaa yoo amante, Waaqayyoon akkas jedhiin:  
Yaa Yesuus, Ati Waaqayyo ta'uu kee fi cubbuu kootiif du'uuf jettee  
akka annaf dhufte nan amana, ammas kunoo deebitee ni jiraatta.  
Maaloo gara jireenya kootti koottuutii amma jireenya haaraa akkan  
jiraachuu akkan danda'uufi guyyaa tokko sin wajjin bara baraaf  
jiraachuuf gara kee akkan dhaquuf cubbuu kootiif naaf dhiisi.  
Abboommii kee akkan eeguufi akka mucaa keetti akkan jiraadhuuf  
na gargaari. Ameen.

Macaafa Qulqulluu dubbisiitii guyyuma hundumaa Waaqayyoo  
wajjin dubbadhu! Wangeela Yohaannis 3:16

